

სტიქიამ დიდი ზიანი მიაყენა რეგიონის ინფრასტრუქტურას

ალიონი. 11 ნოემბერს, დაახლოებით 18 საათზე მოვარდნილმა ქარიშხალმა საკმაოდ დიდი ზიანი მიაყენა რეგიონის ქალაქების, დაბებისა და სოფლების ინფრასტრუქტურას.

შუქი არ მიეწოდება ქ. ოზურგეთის ვიქტორ დოლიძის, იაკობ შემოქმედელის, გრიბოედოვის, აკაკის, თაყაიშვილის, იმედაშვილის და რიგ სხვა ქუჩების მოსახლეობას. გათიშული იყო „ენერგო პრო ჯორჯიას“ ელექტრომომხმარებლები სოფელ შრომაში, თხინვალში, ზემო ნატანებში (ქინქლაძეების უბანი), კონჭკათში, მერიაში, მელექედურში, ნასაკირალში, ლიხაურში, ჭანიეთში, ცხემლისხილში, მთისპირში, ასკ-

ანაში, მშვიდობაურში, ასევე ლანჩხუთისა და ჩოხატაურის მუნიციპალიტეტის არაერთი სოფლის ელექტრომაგისტრაციული ქსელი.

მომხდარი სტიქიის შედეგად ქალაქ ოზურგეთში მრავალბინიანი და ინდივიდუალური საცხოვრებელი სახლების სახურავები დაზიანდა. ქ. ოზურგეთში, თაყაიშვილის ქუჩაზე კედარი წაიქცა, რომელმაც ქუჩის მერე მხარეს მდებარე ინდ. მეწარმე შალვა მუჯირის კუთვნილ მაღაზიას დაეცა და დააზიანა.

შალვა მუჯირის დედამ ნათელა მუჯირმა გვითხრა, რომ იგი მაღაზიის კარებთან იდგა, ხე რომ წაიქცა.

— რეაგირებაც ვერ მოვასწარი. შემთხვევით გადავჩრი.



დაზიანებულია მაღაზიის სახურავი. საცხოვრებელ სახლში შესასვლელი კიბე. ხედავთ, ბუნებრივი აირის ხაზიც დაზიანებულია. - გვითხრა მან. ხის წაქცევის გამო თაყაიშვილის ქუჩაზე მოძრაობა ოზურგეთის მუნიციპალიტეტის ტერიტორიაზე შეფერხებული იყო. ძლიერი ქარის შედეგად,





აკლიონი

უძველესი გაზეთი უახლესი ინფორმაციებით!

გაზეთი გამოსვლის
1931 წლის
5 იანვრიდან

საზოგადოებრივ-პოლიტიკური გაზეთი.
ყოველკვირეული გამომშვება. №45 (10135), 16 ნომერი, 2015 წ. ფასი 50 თეთრი.

მოსალოდნელზე მეტ ხმაურში მიღებული გადაწყვეტილებები

ალიონი. ქალაქ ოზურგეთის მუნიციპალიტეტის საკრებულოს 9 ნომრის სხდომის პირველივე საკითხიდან იმდენად ხმაურით გამოდგა, რომ მოდებდას - ქალაქის მერს ბეგი სიორიძეს და დეპუტატ ლევან მგელაძეს საკრებულოს თავმჯდომარე გელა კობლაძემ რამდენჯერმე შენიშნა: კი მისცა - დღის წესრიგით გათვალისწინებულ საკითხებს დაუბრუნდით.

სხდომამ მორიგი ცვლილებები შეიტანა საკრებულოს 2014 წლის 26 დეკემბრის №45 დადგენილებაში „ქ. ოზურგეთის მუნიციპალიტეტის 2015 წლის ბიუჯეტის დამტკიცების შესახებ“.

ქალაქ ოზურგეთის მუნიციპალიტეტის მერის 2015 წლის 2 ნომრის №1016 ბრძანებით, დასრულდა ა(ა)იპ „ქალაქ ოზურგეთის მუნიციპალიტეტის სპორტის განვითარების ცენტრის“; ა(ა)იპ ქალაქ ოზურგეთის მუნიციპალიტეტის სასპორტო სკოლის“; ა(ა)იპ „ქალაქ ოზურგეთის მუნიციპალიტეტის ჩოგბურთის სკოლის“ რეორგანიზაციის პროექტი და შეიქმნა ერთი ასალი ა(ა)იპ „ქალაქ ოზურგეთის მუნიციპალიტეტის გაერთიანებული სპორტის განვითარების ცენტრი“. შედეგად დამტკიცებულ ბიუჯეტში საჭირო გახდა ცვლილებების შეტანა.

ა(ა)იპ-ების რეორგანიზაციის შედეგად გამოთავისუფლებული ფულადი სახსრები 92192 ლარი მიღიანდა მიმართება ასალი ა(ა)იპ-ის ნომერ-დანიშნულების სარგებების დასაფინანსებლად.

ცვლილებების შედეგად ა(ა)იპ „ქალაქ ოზურგეთის მუნიციპალიტეტის გაერთიანებული სპორტის განვითარების ცენტრის ბიუჯეტი, წარმოდგენილი პროექტის შესაბამისად, განისაზღვრა 80 192 ლარით, ხოლო გამოთავისუფლებული ფულადი სახსრები 12 000 ლარი მიმართა ქუჩების გარე განათების

ქსელის დემონტაჟებისა და მოხმარებული ელექტროენერჯის სარგებების დასაფინანსებლად.

ასევე ცვლილებები შეიტანეს საკრებულოს 2015 წლის 6 იანვრის №2 განკარგულებაში „ქალაქ ოზურგეთის მუნიციპალიტეტის საკუთრებაში არსებული საპრივატიზაციო ქონების ნუსხის დამტკიცების შესახებ“.

თანხმობა მიეცა ქალაქ ოზურგეთის მუნიციპალიტეტის მერის შოთა რუსთაველის ქუჩა №39-ში მდებარე უძრავი ქონების ორ ნაწილად დაყოფის თაობაზე. საკრებულოს სხდომის გადაწყვეტილებით, ცვლილებები საკრებულოს 2015 წლის 31 აგვისტოს №89 განკარგულებაში „ქალაქ ოზურგეთის მუნიციპალიტეტის სიმბოლოების - გერბისა და დროშის შემუშავების მიზნით კონკურსის გამოცხადებისა და საკონკურსო წესის დამტკიცების შესახებ“. საკონკურსო პროექტების წარდგენის ბოლო ვადად გამოაცხადეს 2015 წლის 26 ნოემბერი, ხოლო კონკურსის შედეგების გამოცხადების დღედ - 2015 წლის 7 დეკემბერი. სხდომის გადაწყვეტილებით, უარი ეთქვა ქალაქ ოზურგეთის №1 საჯარო სკოლის სამეურნეო საბჭოს მერ წარმოდგენილი ინიციატივას ამ სკოლისათვის ზურ თინიშვილის სახელის მინიჭების შესახებ“ თანხმობის მიცემის თაობაზე. დაამტკიცეს ქალაქ ოზურგეთის მუნიციპალიტეტის მერიისა და საკრებულოს აპარატის მოხელეთა კვალიფიკაციის ამაღლების 2016 წლის გეგმა. მიიღეს გადაწყვეტილება ქალაქ ოზურგეთის მუნიციპალიტეტის 2016-2019 წლების ბიუჯეტის პროექტით გამოსაყოფ ასიგნებებზე საბიუჯეტო ორგანიზაციების მერ წარსადგენი საბიუჯეტო განაცხადის ფორმების განსაზღვრისა და შეცვლის წესის განხილვის თაობაზე.

ნუმერაციით - ემორე, ღვაწლით - პირველი

ქ. ოზურგეთის №2 საჯარო სკოლა 165 წლისაა!



ალიონი. გასულ ოთხშაბათს, 11 ნოემბერს ქ. ოზურგეთის ნოდარ დუმბაძის სახელობის №2 საჯარო სკოლამ - არა მარტო ქალაქში, მუნიციპალიტეტსა და რეგიონში, არამედ მთელ საქართველოში ერთ-ერთმა საუკეთესო, დიდი ტრადიციების მატარებელმა და ლიდერმა საგანმანათლებლო კერამ დაასრულა 165 წლისთავი იზიემში.

საქართველოში ალბათ, თითზე ჩამოსათვლელია ისეთი სკოლები, რომელთაც ამ სკოლის ტოლოფასი დეაწლი მიუძღვით ჩვენს საგანმანათლებლო სისტემაში და, აქე-

დან გამომდინარე, ქვეყნის წინსვლაში.

რამდენჯერმე სახელნაცვალი, მაგრამ პროფილით უცვლელი იუბილარი სკოლის ისტორია გაუხუნარი და წარმატებებით დაზუნძული ისტორია ბოლო სამი საუკუნის 165 წელიწადში 12 ეტაპად არის განფენილი:

- 1850-1874 - ოზურგეთის სამაზრო სასწავლებელი;
- 1874-1918 - სამოქალაქო სასწავლებელი;
- 1918-1921 - უმაღლესი პირველადწყვეთი სკოლა;
- 1921-1934 - №1

- შვიდწლიანი სკოლა;
- 1934-1936 - №1 შვიდწლიანი შრომის სკოლა;
- 1936-1938 - №1 არასრული სკოლა;
- 1938-1943 - მეორე საშუალო სკოლა;
- 1945-1954 - ქალთა №1 საშუალო სკოლა;
- 1954-1994 - მეორე საშუალო სკოლა;
- 1994-1998 - ოზურგეთის პირველი გიმნაზია;
- 1998-2006 - ოზურგეთის №2 საშუალო სკოლა;
- 2006 წლიდან ქ. ოზურგეთის №2 საჯარო სკოლა.

ეს ის სკოლაა, სადაც სადაც მოღვაწეობდნენ რეგიონისა და რესპუბლიკაში სახელგანთქმული მასწავლებლები, პედაგოგიკის ნამდვილი კორიფეები; ელენე თავართქილაძე, მარგალიტა კუნჭულია, ნოდარ ჯაყელი, მედეა ოკუჯავა, გრიგოლ კალანდარიშვილი, ნიკოლოზ შუბლაძე, მურმან მდინარაძე, ზინა ხინთიბიძე, მერი ბერიშვილი, ვენერა ჩხარტიშვილი და სხვები!

ეს ის სკოლაა, რომელიც ამაყობდა, ამაყობს და იამაყებს თავისი ერუდირებული,



გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
- მე-3-7 (თითოეული 810 კვ. სმ) მთლიანი გვერდებისა - 150-150 ლარი;
- 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
- ბოლო, მე-8, ფერადი გვერდი მთლიანად 300 ლარი ღირს;
- შიდა შავთუთრ გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
- პოლიტიკური რეკლამის ღირებულება ორმაგია;
- მილოცვა ფერად გვერდზე 32,40 კვ. მ-ზე, სურათით - 15 ლარი;
- სამგლოვიარო განცხადება - სიტყვა 20 თეთრი, პლუს სურათი (5X6 სმ) - 2 ლარი;
- გახსენება, ნეკროლოგი - სიტყვა 15 თეთრი, პლუს სურათი (5X6 სმ) - 2 ლარი;
- ახალი წლიდან აღიონის ფორმატი გაორმაგდა და 8 გვერდი გახდა. გამოდის ორმაგად
- საჯარო ფასი: 50 თეთრი, ხელმოწერა:
- ერთი თვით - 2 ლარი,
- სამი თვით - 6 ლარი,
- 6 თვით - 12 ლარი,
- ერთი წლით - 24 ლარი.

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუდიონანსწერები ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისგან არ მიიღებს სამ ხელნაწერ გვერდზე მეტ მასალას. გამოქვეყნებული მასალების გადაგვლა აკრძალულია რედაქციიდან ნებართვის გაცემის გარეშე.

სარეკლამო მომსახურების ტარიფები

რედაქციის
ნუგზარ ასათიანი
nugzarasatiani@rambler.ru
558 499100

საინფორმაციო სამსახურის
ხელმძღვანელი
თემურ მარშანიშვილი
tem52@mail.ru
599 373515

კომპიუტერული უზრუნველყოფა
გიორგი გოგოლაძე
gia_77@mail.ru
551 576060

რედაქციის მისამართი: ქ. ოზურგეთი, გაბრიელ ეპისკოპოსის ქ. №3
ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311
გაზეთი იბეჭდება გამოცემლობა „მერიდიანში“
მის: თბილისი, ვ. ბაგრატიონის ქ. №77

დაინყეთ ყოველი ოჩმაბათი აციონზე
«ალიონით»

სტიქია დიდი ზიანი მიაყენა რეგიონის ინფრასტრუქტურას



პალიტეტის სოფელ ღიბურში გელაშვილების საცხოვრებელ სახლს ხე დაეცა, რამაც სახლი მნიშვნელოვნად დაზიანა და ის საცხოვრებლად უვარგისი გახდა. სოფ. კონჭკათში სტიქია ჩამოწვა სახელაშვილების სახლთან. მუნიციპალიტეტმა სახელაშვილების ოჯახი უსაფრთხო ადგილას გადაიყვანა. სოფელ სილაურში ადიღე-

ბულმა მამათისდელემ ხელაძების საკარმიდამო ნაკვეთი და თხილის ნარგავები წაიღო. საცხოვრებელი სახლები, სხვა ობიექტები დაზიანდა ქ. ოზურგეთში, სოფ. ნატანებში, შრომაში, ნინოშვილში, აკეთში, დაბა ურეკში, სხვა დასახლებულ პუნქტებში. სოფ. შრომაში დაზიანდა სახელმწიფო მნიშვნელობის საავტომობილო გზა.

ჩოხატაურის მუნიციპალიტეტის მაღალმთიან სოფლებში, დიდ ვანში, შუა სურებში, ზემო სურებში მეწყერი რამდენიმე ადგილას ჩამოწვა. ამჟამად მიმდინარეობს გაწმენდითი სამუშაოები. სოფელ ზოტში საცხოვრებელი სახლი დაინგრა. ნგრევას მსხვერპლი არ მოჰყოლია.

ჩოხატაურის მუნიციპალიტეტის სოფელ ხიდისთავში ადიღებულმა მდინარე გუბაზეულმა საავტომობილო ხიდს ერთი მალი გამოაცალა, რის გამოც ხიდზე გადაადგილება სასიფათოა, როგორც ავტომობილებისათვის, ასევე ფეხით მოსიარულეებისთვის. ხიდის აღდგენა წყლის დონის დაწევის შემდგომ დაუყოვნებლივ დაიწყება. სოფელ ხიდისთავში მთავრობის ადმინისტრაციის რეგიონებსა და ადგილობრივ თვითმმართველობის ორგანოებთან ურთიერთობის დეპარტამენტის უფროსის მოადგილე ვაჟა ფანჯულიძე, რეგიონული განვითარებისა და ინფრასტრუქტურის სამინისტროს სტიქიების პრევენციისა

და ოპერატიული რეაგირების სამართველოს უფროსი ვასილ კახანაძე, გურიის გუბერნატორი ვია სალუქვაძე და ჩოხატაურის მუნიციპალიტეტის გამგებელი ირაკლი კუჭავა იმყოფებოდნენ.

ლანჩხუთში საბავშვო ბაღებში სასწავლო პროცესი შეწყვეტილია. სტიქიის სალიკვიდაციო შტაბი შეიქმნა ოთხივე მუნიციპალიტეტში. გურიის გუბერნატორმა ვია სალუქვაძემ, მუნიციპალიტეტების ხელმძღვანელებთან ბეგი სიორიძესთან, მერაბ ჭანუყვაძესთან, ზაზა ურუშაძესთან, ირაკლი კუჭავასთან და სპეციალისტებთან ერთად რეგიონის ყველა დაზიანებული უბანი მოინახულა. ოთხივე მუნიციპალიტეტის სტიქიის სალიკვიდაციო შტაბები მოსახლეობისთვის მიყენებულ ზარალს შეისწავლის და უკვე შემდგომ ზარალის ანაზღაურებისა და დაზიანებული ინფრასტრუქტურის აღდგენის მიზნით საქართველოს მთავრობას მიმართავს.

სტიქია აკეთში

სალომე ცოხაია



11 ნოემბერს მოვარდნილმა ქარიშხალმა, სტიქიის შედეგად ადიღებულმა მდინარე სუფსამ და მისმა შენაკადებმა დიდი ზიანი მიაყენეს აკეთისა და მიმდებარე სოფლების ინფრასტრუქტურას. პირველ რიგში დაზიანდა ელექტროგადამცემი ხაზები და ელექტრონერგის მიწოდება შეუწყდათ აკეთის, ზემო აკეთის, ჭანჭათისა და გაგურის მოსახლეობას. მნიშვნელოვანი ზიანი მიადგა მდ. სუფსაზე მიმდინარე ნაპირსამაგრს სამუშაოებს. დაიტბორა სამშენებლო მოედანი და მუშათა საცხოვრებელი. ნაგომართან არაერთი ხე წაიქცა, რომლებმაც დააზიანეს მსუბუქი

ავტომობილები. სოფ. გაგურში მნიშვნელოვნად ადიღდა მდინარე აცაურა და საავტომობილო ხიდი დაზიანდა. დაიტბორა საყნე ფართობები და სხვა სასოფლო-სამეურნეო საგარეულები. სოფ. აკეთში ქარიშხალმა სახურავი ახადა საბავშვო ბაღს. სტიქიის შედეგები დათავალერეს გურიის გუბერნატორმა ვია სალუქვაძემ, ლანჩხუთის მუნიციპალიტეტის გამგებელმა ზაზა ურუშაძემ, სპეციალისტებმა. განხორციელდა სათანადო ღონისძიებები სტიქიის შედეგების სალიკვიდაციოთ.

ქ. ოზურგეთში, სწრაფი ჩარიცხვის აპარატის მორიგი ქურდობა მოხდა

ალიონი. ქ. ოზურგეთში, რკინიგზის სადგურის მიმდებარე ტერიტორიაზე, ერთ-ერთი ჯიხურის წინ დადგმული სწრაფი ჩარიცხვის აპარატი მოიპარეს. ეს ბოლო პერიოდში სწრაფი ჩარიცხვის აპარატის მოპარვის მესამე შემთხვევაა. მანამდე ასეთი აპარატები ფარნავაზ მეფისა და კოსტავას ქუჩებზე მოიპარეს. გამარცხვული აპარატი, რომელიც „თი ბი სი“ ბანკს ეკუთვნის, 12 ნოემბერს, დილით, აღნიშნული ჯიხურების უკან ტერიტორიაზე იპოვეს.

როგორც ჯიხურის მეპატრონე ლია მელიქაძემ გვითხრა, იგი გუშინ ღამის 12 საათამდე ჯიხურში იმყოფებოდა. ქურდობა შემდგომად მომხდარი. ქურდებს ჩანაფიქრის შესრულებაში იმანაც შეუწყო ხელი, რომ დოლიდისა და მიმდებარე ქუჩებზე შუქი იყო გათიშული. მომხდარზე ოზურგეთის შსს განყოფილებამ მოკვლევა დაიწყო. აღძრულია სისხლის სამართლის საქმე.



გაერთიანებული სპორტის განვითარების ცენტრი"-ის ღირსშესაძღვრად გოჩა კვანტალიანი დაინიშნა



სამი ა(ა)იპ-ის, ოზურგეთის მუნიციპალიტეტის სასპორტო სკოლის, ოზურგეთის მუნიციპალიტეტის სპორტის გაერთიანების ცენტრის და ოზურგეთის

ჩოგბურთის სკოლის გაერთიანების შედეგად შექმნილი სპორტის განვითარების ცენტრის ხელმძღვანელად გოჩა კვანტალიანი ქალაქ ოზურგეთის მუნიციპალიტეტის მერმა ბეგლარ სიორიძემ და ვიცე-მერმა ალექო ბურჭულაძემ წარადგინეს. თანამშრომლებთან შეხვედრაზე, რომელიც „გაერთიანებული სპორტის განვითარების ცენტრში“ შედგა, ბეგლარ სიორიძემ განაცხადა: -აღნიშნული რეორგანიზაციიდან ქალაქის მერია ფინანსურ ეკონომიას არ ელოდება. გაერთიანების მიზანი მენეჯმენტის გაუმჯობესება და თანამშრომლებისთვის სამუშაო პირობების გაუმჯობესებაა. ლოგიკურია, რომ რეორგანიზაციას, გარკვეულწილად, შტატების შემცირებაც მოყვება, მაგრამ აქცენტი პროფესიონალ კადრებზე გაკეთდება და ხელფასიც

მნიშვნელოვნად გაიზრდება. გოჩა კვანტალიანი ნამდვილად პროფესიონალი და წესიერი ადამიანია. დარწმუნებული ვარ, დაკისრებულ მოვალეობას თავს ღირსეულად გაართმევს და რეორგანიზაციის შემდეგ ჩვენ შედეგზე ორიენტირებული, ეფექტური სისტემის მქონე ცენტრი გვექნება, რომელიც ჩვენს ქალაქში სპორტის განვითარებას მნიშვნელოვნად შეუწყობს ხელს. ოზურგეთში სპორტის დიდი პოტენციალი აქვს, ამ სფეროს წარმატებით გაერთიანებისთვის ყველა მონაცემი არსებობს. პირადად მე, ოზურგეთში სპორტს მერად არჩევამდე გვერდით ვედექი და ასე გაგრძელდება მომავალშიც

ნუგეზით – გორი, ღვაჭლით – პირველი ქ. ოზურგეთის №2 საჯარო სკოლა 165 წლისაა!



ამაღლებული მორალის მქონე, აუცილებელი აკადემიური და ცხოვრებისეული უნარ-ჩვევებით გაწაფული კურსდამთავრებულებით. ბოლოში ვინდობ, რომ სათითაოდ ვერ ვასახელებთ. საბედნიეროდ, იმდენია, რომ მხოლოდ მათი ჩამონათვალს ვერ დაიტევს მთელი გაზეთი.

რაც მთავარია, სკოლა არანაკლებ წარმატებულია დღეს და გამოუღვევლი ენერჯით მიუყვება გამარჯვებათა აღმაველ საფეხურებს. საილუსტრაციოდ მოვიშველებ რამდენიმე ამონარიდს საიუბილეო ღონისძიებაზე სკოლის დირექტორის, ქალბატონი ფატიმა სიორიძის გამოსვლიდან:

„... ამჟამად სკოლაში სწავლობს 855 მოსწავლე, რომლებსაც ასწავლის 80-მდე კვალიფიციური პედაგოგი, მათ შორის 30 სერტიფიცირებული. წლებულს საბუნებისმეტყველო საგნებში ჩვენმა პედაგოგებმა ანგული სარჯველაძემ და თინათინ გაბუნიაშვილმა საუკეთესო შედეგები აჩვენეს რესპუბლიკაში. სკოლაში ფუნქციონირებს კომპიუტერული ლაბორატორია, ქსელში ჩართული 18 კომპიუტერთი, „მომავლის კლასი“ („ჯეოკლასი“) და ექიმის კაბინეტი.

მიმდინარე სასწავლო წლიდან

სკოლაში გაიხსნა კომაროვის „შაბათის სკოლა“, სადაც გაძლიერებული პროგრამით მათემატიკურ განათლებას ეუფლებიან III-VII კლასის მოსწავლეები...

ბოლო 5 წლის განმავლობაში სკოლა დაამთავრა 479-მა მოსწავლემ, მათ შორის ოქროს მედალოსანია 28, ვერცხლის მედალოსანი – 37.

2010-2015 წლებში 100%-იანი გრანტით ჩაირიცხა 18 კურსდამთავრებული, 50%-იანი – 42, 30%-იანი – 60.

ყოველწლიურად იზრდება რესპუბლიკურ სასწავლო შემოქმედებით კონფერენციებსა და საგნობრივ ოლიმპიადებზე მონაწილე მოსწავლეთა რაოდენობა და ხარისხი. გვყავს გამორჩეული ნიჭისა და შემოქმედებითი უნარის მქონე მოსწავლეები, სხვადასხვა პროექტში, კვირეულში, განათლებისა და მეცნიერების სამინისტროს მიერ ორგანიზებულ კონკურსში გამარჯვებულები“... მოკლედ, მეორესკოლელობა ოზურგეთელთათვის სიამაყე იყო, სიამაყე არის და სიამაყე იქნება!

რაც შეეხება საიუბილეო ღონისძიებას, იგი საკმაოდ რეზონანსული გამოდგა. მთავარი სტუმრის,

საქართველოს განათლებისა და მეცნიერების მინისტრის თამარ სანიკიძის ჩამობრძანებამდე, პირველი მიმლოცველი გამომცემლობა „მერიდიანის“ დირექტორი კახა რუსიძე აღმოჩნდა, რომელმაც მშობლიურ სკოლას „მერიდიანში“ დაბეჭდილი საიუბილეო ალბომი და სხვადასხვა წიგნები უსახსოვრა. უხვად მიღებულ საჩუქრებში ეს საიუბილეო ალბომი, ალბათ, ყველაზე ორიგინალური და გამორჩეულია.

საიუბილეო სანახაობის დაწყებამდე, უფრო სწორად ოზურგეთის სახელმწიფო თეატრში გადახაცვლებამდე, პერსონალური კომპიუტერებით დააჯილდოვეს პროგრამა „ჩემი პირველი კომპიუტერი“ მონაწილე, გურიის რეგიონის წარჩინებული მათემატიკელები. აქვე მეორე საჯარო სკოლის XI-1 კლასმა (დამრიგებელი იზოლდა სიხარულიძე) კასკადურად წარმოადგინა წარმატებათა პრეზენტაცია, რასაც განათლებისა და მეცნიერების მინისტრის მხრიდან შესაბამისი შეფასებები მოჰყვა

თეატრში კი, სრული ანშლაგის ფონზე, მხარისა და ქალაქის ხელისუფლების მხარდაჭერით გამართული უხადო თეატრალიზებული სანახაობის მომსწრენი შევიქნით, რომელშიც საკონცერტო ნომრებს ორგანულად შეერწყა გურიის გუბერნატორის, ბატონი ვია სალუქვაძის, ქალაქ ოზურგეთის მერის, ბატონი ბეგლარ სიორიძის, ოზურგეთის მაჟორიტარი დეპუტატის, ბატონი ზვიად კვაჭანტირაძის, საგანმანათლებლო რესურსცენტის ხელმძღვანელის, ქალბატონი ლელა იმედაშვილის, საქართველოს პედაგოგთა და მეცნიერთა თავისუფალი პროფკავშირის ოზურგეთის რაიონული ორგანიზაციის ხელმძღვანელის, ქალბატონი როზა გოგუაძის და სხვების მილოცვები და სურ-

ვილები. განათლებისა და მეცნიერების დარგის პირველი პირის ქალბატონ თამარ სანიკიძის თქმით, ეს ის სკოლაა, რომელიც კვლავაც სახელოვან მამულიშვილებს აღუზრდის ქვეყანას:

„ძალიან სასიხარულოა, რომ ოზურგეთის №2 საჯარო სკოლა დღესაც განაგრძობს თავის დიდებულ ტრადიციას და ახლაც წარმატებით ზრდის განათლებულ მომავალ თაობას. სკოლის კურსდამთავრებულები კარგი შედეგებით აბარებენ უმაღლეს საგანმანათლებლო დაწესებულებებში და იღებენ საგრანტო დაფინანსებას. ყოველწლიურად იზრდება საგნობრივ ოლიმპიადებსა და სასწავლო შემოქმედებით კონფერენციებში მონაწილე მოსწავლეთა რაოდენობა და, რაც მთავარია, როგორც აქ ითქვას, სკოლას ბოლო ხუთი წლის მანძილზე 28 ოქროს და 37 ვერცხლის მედალოსანი ჰყავს.

განათლების მაღალი ხარისხის გარანტი არიან ქალაქ ოზურგეთის №2 საჯარო სკოლის მაღალკვალიფიციური მასწავლებლები, რომელთაც სასერტიფიკაციო გამოცდებზე საუკეთესო შედეგები აჩვენეს.

საქართველოს განათლებისა და

მეცნიერების სამინისტრო ულოცავს 165-ე წლის საიუბილეო თარიღს ქალაქ ოზურგეთის №2 საჯარო სკოლის ყველა მოსწავლეს, მასწავლებლებს, მათ მშობლებს, კურსდამთავრებულებს და მოლიანად ქალაქს. ვიმედოვნებ, რომ ეს სკოლა კიდევ მრავალ სახელოვან მამულიშვილს აღუზრდის ქვეყანას და ის დიდი ისტორია, რომელზეც ახლა სიამაყით ვსაუბრობდით, წარმატებით გაგრძელდება“.

მიმლოცველთა სიტყვებში რამდენჯერმე ლოგიკურად გაიჟღერა ქალბატონი ლიანა იმედაშვილის სახელმა. ქალბატონ ლიანასთან, სახელდებულ პედაგოგთან და ყოფილ უმაღლეს დირექტორთან ასოცირდება ამ სკოლის ახლო წარსულის წარმატებები. ჯანმრთელობის გაუარესების გამო, იგი ვერ ესწრებოდა საიუბილეო ღონისძიებას.

ვერ გეტყვით, ყვავილებით უხვად დამტკვრილი სცენიდან საბოლოოდ რამდენი ადამიანი მიესალმა იუბილარს, მაგრამ მათი რაოდენობა, რომ სცენარში გათვალისწინებულზე მეტი იყო, ამის თქმა ნამდვილად შეუძლებელია. ასე კი მხოლოდ მაშინ ხდება, როცა სათქმელი გულიდან მოდის.



11/11/2015 14:39

ბრიფინგი „პატრიოტთა ალიანსის“ ოზურგეთის რაიონულ ოფისში

11 ნოემბერს ადგილობრივი მედიასაშუალებების ჟურნალისტებთან ბრიფინგი გამართა პოლიტიკური გაერთიანება „საქართველოს პატრიოტთა ალიანსის“ ოზურგეთის რაიონული ორგანიზაციის თავმჯდომარე შოთა გოგებერიძემ.

„8 ნოემბერს „პატრიოტთა ალიანსმა“ ქალაქ თბილისში დაიწყო ფართომასშტაბიანი საპროტესტო აქციები. რუსთაველის გამზირზე შეკრებილმა 20 000 მხარდამჭერმა სლოგანით „არა გაყალბებულ არჩევნებს“ გააპროტესტა საქართველოს პარლამენტის შეუღლებულ არჩევნებში, მარტვილსა და საგარეჯოში სახელისუფლო გუნდის მიერ საარჩევნო პროცესის ტოტალური გაყალბება.

ადმინისტრაციული რესურსის კანონსაწინააღმდეგო გამოყენება, ამომრჩეველთა დამინება, მოსყიდვა, ცენტრალური და ადგილობრივი ხელისუფლების თანამდებობის პირთა, გამგებლების, გამგებლის წარმომადგენლების, საკრებულოს წევრების და სხვათა უკანონო მონაწილეობა საეტიკაციო საქმიანობაში, შინაგან საქმეთა და სახელმწიფო უსაფრთხოების სამსახურის წარმომადგენელთა ჩართულობა და თავდაცვის სამინისტროს საჯარისო ნაწილის მონაწილეობის ორგანიზება განლაგებული არასრული ჩამონათვალი კოალიცია „ქართული ოცნების“ და ხელისუფლების მიერ არჩევნების ტოტალური გაყალბებისათვის ჩადენილი დანაშაულებრივი ქმედებისა.



8 ნოემბრის საპროტესტო მანიფესტაციამ რუსთაველის მეტოქედან ვერ პარლამენტის შენობასთან, ხოლო შემდეგ მთავრობის კანცელარიათან გადაინაცვლა, სადაც „პატრიოტთა ალიანსის“ ლიდერებმა, ქვეყნის სასიქვეყნო მამულიშვილებმა, ქალბატონებმა ირმა ინაშვილმა და ადა მარშანიამ, ბატონებმა ემზარ კვიციანი, გიორგი ლომიძე და, რაც განსაკუთრებით აღსანიშნავია, ჩვენი ქვეყნის ყველა დროის საუკეთესო სპორტსმენმა და ლეგენდარულმა ადამიანმა ლევან თეიდაშვილმა (მეუხედავად ჯანმრთელობის მძიმე მდგომარეობისა) მიმართეს პროტესტის უმძიმეს და რადიკალურ ზომას – უვადო შიმშილობას. დღეისათვის მას კიდევ 25 კაცი დაემატა. აქციის ძირითადი მოთხოვნებია:

– გააყენებულ იქნენ თანამდებ-

ობებიდან თავდაცვისა და გარემოსა და ბუნებრივი რესურსების დაცვის მინისტრები;

– სისხლის სამართლებრივი წესით დაისაჯონ გაყალბებაში მონაწილე საჯარო მოხელეები;

– გაუქმდეს მაჟორიტარული არჩევნები;

– არჩევნებში მონაწილე კვალიფიციურ სუბიექტებს მიენიჭოთ პარიტეტი საარჩევნო ადმინისტრაციებში;

– გაუქმდეს სოცუბენები;

– აიკრძალოს საჯარო მოხელეთა მხრიდან საარჩევნო ავტაციაში მონაწილეობა;

– საგაღმწეო განდეს საქართველოს მოქალაქეთა მონაწილეობა არჩევნებში.

გურიაში მცხოვრებ ჩვენს მხარდამჭერებს მოუწოდებ – დედაქალაქში მიმდინარე საპროტესტო ღონისძიებების მიმართ სოლიდარობის აქტის დაფიქსირების მიზნით, რეგისტრაცია გააიარონ „პატრიოტთა ალიანსის“ ლანჩუთის, ჩოხატაურისა და ოზურგეთის ოფისებში – ნათქვამია მედიასაშუალებებისთვის მომზადებულ პრესრელიზში.

გოგებერიძის თქმით, საპროტესტო აქციები რეგონებსა და რაიონებშიც დაიწყება და გაგრძელდება მანამ, სანამ ხელისუფლების მხრიდან არ დაგეგმილი იქნება აქციის მონაწილეთა მოთხოვნები.



უდიდესი პატივისცემითა და კეთილი სურვილებით, გე-2 საჯარო სკოლის ყველა მასწავლებელსა და მოსწავლეს ვულოცავ 165-ე წლის იუბილეს!

ბისურვებით, კიდევ მრავალი წარმატებული, ნაყოფიერი, შინაარსიანი წელი გპროდებთ

და მოგაპალოთ დიდი წვლილი შეგებანოთ განათლებული და ჯიბნიერი თაობის აღზრდაში!

პატივისცემით
თემურ სალუქვაძე.

"საქართველოს ფერმერთა ასოციაციის" თავმჯდომარე, გურიის რეგიონის ფერმერებს უხვდა



გასულ პარასკევს, 13 ნოემბერს "საქართველოს ფერმერთა ასოციაციის" თავმჯდომარე, ნინო ზამბახიძე, რეგიონული ტურნეს ფარგლებში, გურიის რეგიონის ფერმერებს შეხვდა.

გურიის სამხარეო ადმინისტრაციაში შეხვედრას ესწრებოდნენ გურიის გუბერნატორის მოადგილეები სოსო ერქომაიშვილი და ქეთი მოისწრაფეშვილი, ადგილობრივი ხელისუფლების წარმომადგენლები ოზურგეთის, ჩოხატაურისა და ლანჩხუთის მუნიციპალიტეტებიდან, რეგიონში მოღვაწე ფერმერები, მედიის წარმომადგენლები.

შეხვედრის მიზანი იყო "საქართველოს ფერმერთა ასოციაციის" სამომავლო გეგმების პრეზენტაცია, ასევე ფერმერთა პრობლემების გაცნობა, შემდგომში ამ პრობლემების გადაჭრის მიზნით ერთობლივი სტრატეგიის შემუშავება.

ასოციაციის თავმჯდომარემ ვრცლად ისაუბრა ყველა იმ პროექტზე, რომელიც ხორციელდება ქვეყანაში,

როგორც მთავრობის, ისე დონორების მხრიდან ფერმერთა საქმიანობის ხელშესაწყობად. ზამბახიძე შეეხო ფერმერთა კონკრეტულ პრობლემებსაც:

„ფერმერებს შეუძლიათ უფასოდ გაწვერიანდნენ ასოციაციაში. გარდა იმისა, რომ ჩვენ გვექნება ბაზა, ანუ თქვენი, როგორც მეწარმეების შესახებ ინფორმაცია, ასევე თქვენც ყოველდღიურად შეძლებთ გაიგოთ თუ რა მიწა გამოდის აუქციონზე იჯარით. ჩვენ აქტიურად ვთანამშრომლობთ ადგილობრივ ხელისუფლებასთან. ვფიქრობთ, თქვენი პრობლემების უშუალოდ თქვენგან მოსმენით კიდევ უფრო დაიხვეწება ეს მექანიზმი.“ - განაცხადა შეხვედრაზე ფერმერთა ასოციაციის თავმჯდომარემ.

რეგიონული ტურნეს ფარგლებში მსგავსი ტიპის შეხვედრების ჩატარება დაგეგმილია მთელი ქვეყნის მასშტაბით.

საქართველოს ფერმერთა ასოციაცია წარმოადგენს საქართველოში არსებულ ფერმერთა გაერთიანებას, მათი ცხოვრების დონის გაუმჯობესებისა და სოფლის მეურნეობის სექტორის გასაძლიერებლად. მისი მიზანია - დაიცვას ფერმერთა ინტერესები სახელმწიფო და კერძო ინსტიტუტებში, გაუწიოს ფერმერებს სხვადასხვა ტიპის მომსახურება, პროფესიული განათლების აძლევდეს ჩათვლით, რათა გააძლიეროს მათი ეკონომიკური და სოციალური მდგომარეობა.

ასოციაცია ხელს უწყობს როგორც დამწყებ, ასევე მოქმედ მეწარმეებს თავიანთი ბიზნესის განვითარებაში.

საქართველოს ფერმერთა ასოციაციის შექმნა 2012 წლის ბოლოს განაპირობა ქვეყანაში უკანასკნელი ათწლეულების განმავლობაში გატარებულმა პოლიტიკამ, რომლის ფარგლებშიც, როგორც ამას ფერმერთა უმრავლესობა აცხადებდა, არ იყო გათვალისწინებული მათი პრობლემები და მოსაზრებები. განსაკუთრებულ უკმაყოფილებას იწვევდა სოფლის მეურნეობის სტრატეგიული განვითარების გეგმის არარსებობაც.

ინტერნეტიზაციის პროგრამაში გურიიდან 30 სოფელი მოხვდა

პროექტი, რომლის ღირებულება დაახლოებით 150 მილიონი ლოლარია, ბიძინა ივანიშვილის დაფინანსებით განხორციელდება.

ინტერნეტიზაციის პროგრამაში ვერ-ჯერობით 473 სოფელი მოხდა საქართველოდან.

გურია 30 სოფელი: **ოზურგეთი** - ლიხაური, ნიაბაური, მეღეჭელური, მერია, ნარუჯა, შემოქმედი, ბოხვაური, დვაბზე, ლაითური; **ჩოხატაური** - განახლება, გოგოლესუბანი, გორაბერეული, გუთური, კონხარი, შუა ფარცხმა, ზემო ფარცხმა, ქვენობანი, შუა განახლება; **ლანჩხუთი** - ლესა, მაჩხე-არეთი, ქვიანი, ჭყონათგორა, ნიგვზიანი, ქვემო შუხუთი, ქვემო აკეთი, ჭანჭათი, აცანა, ქვემო ჩიბათი, გვიმრალაური.

უკანავა ყურადღებას ითხოვს - ისტორია არ უნდა ფაიშალოს! კომიპრანტის წერილი გაზეთ „ალიონის“ რედაქციას



ალიონი. -40 წელია მთისპირში, უკანავაში ვცხოვრობ და ეს კუთხე ძალიან მიყვარს. ასკანის ციხე, მდინარე ბახვისწყალი, რომელიც ორი რეგიონის აჭარა-გურიის მთებიდან მოდის. მიუხედავად მკაცრი პირობებისა, აქაურები შრომობენ და სხვებს არ ჩამოუვარდებიან.

რამდენიმე თემაზე მინდა გავამახვილო მკითხველის ყურადღება. პროფესიით საყოფაცხოვრებო ტექნიკის სპეციალისტი ვარ და წლების

განმავლობაში ვმუშაობდი საყოფაცხოვრებო ტექნიკის სარემონტო საწარმოში, რომელსაც უაღრესად ნიჭიერი კაცი, საუკეთესო სპეციალისტი თენგიზ ბერიშვილი ხელმძღვანელობდა. ხშირად ვსაუბრობდით სხვადასხვა საინტერესო თემებზე, მათ შორის მცირე ჰესებზე. ეს თემა მას შემდეგ უფრო გააქტიურდა, რაც ასევე ნიჭიერი ადამიანი, მშენებელი სულიკო ცქვიტინიძე გავიცანი და დავახლოვდი.

სულიკო ცქვიტინიძე საინტერესო პიროვნება იყო, არაერთი გამოგონება ჰქონდა გარდა მშენებლობისა, სხვა სფეროში, კერძოდ, ჩაის მრეწველობაში, რაშიც მას დიდ დახმარებას უწევდა ოზურგეთის მანქანათმშენებელი ქარხანა, რომლის პირველი დირექტორი თენგიზ ბერიშვილი იყო.

-ბატონო სულიკო, სოფელი მშვიდობაური რომ ასე გააღამაზეთ, ამდენი შენობა ააშენეთ და წყლის აუზები გააკეთეთ, არ შეიძლება მდინარე ბახვისწყალი სხვა მიზნითაც გამოიყენოთ? -კითხვით ერთხელ მას.

-მანინ რა გინდა გავაკეთო? -ჩამეძია ბატონი სულიკო.

-ჰესი ააშენეთ უკანავაში მეთქი-

კუთხარი.

სულიკო ცქვიტინიძემ მიპასუხა: -ამ საკითხზე მიფიქრია და მართლაც უნდა ავაშენო ჰესი ბახვისწყალზე.

ვისაც სულიკოს წარმოება და მისი კავშირები ახსოვს, მიხვდება, არ გაუჭირდებოდა მას მცირე ჰესის აგება მთისპირში. კოლმეურნეობის თავმჯდომარე გერასიმე შევარდნაზე ვნახე და სულიკოს გეგმის შესახებ ვუთხარი.

არც ისე დიდი დრო გავიდა, სულიკო ცქვიტინიძე სოფ. მთისპირში რომ ამოვიდა და კოლმეურნეობის თავმჯდომარესთან ერთად უკანავაში, ბახვისწყლის ხეობა რომ დაათვალიერა. მან სპეციალისტებთან ერთად ზუსტად ის ადგილი მონიშნა, რომელზეც შემდგომ ჰესი აშენდა.

-„მთისპირი ჰესი“ დავართქვათ-მეთქი.

-ჯერ ავაშენოთ და აბა მთისპირში რას დავართქმევით, თანაც მთისპირლებს უფასოდ გექნებათ ელექტროენერგიაო -მიპასუხა.

კიდევ ერთ კაცზე მინდა მოგიყვებო. გერმანე თალაკვაძე მთისპირელი კაცია და სხვაზე ნაკლებად არ უყვარს მშობლიური სოფელი.

ადრე სოფლის ნაწილი მოსახლეობა წყალს „პასიოლკას“ მიდამოებიდან იღებდა მდინარე ბახვისწყლიდან. მძლავრი ნასოსები მუშაობდა.

სასმელი წყლის ახალი აუზი მთისპირლებმა ნაფორვალში, ცაცხვისწყალზე გააკეთეს. გერმანე თალაკვაძის მიერ სოფლის მოსახლეობისათვის გადაცემული მიწებით გაკეთდა წლის ახალი მაგისტრალი. ეს მაგისტრალი გამოიყენეს ამჟამინდელმა მშენებლებმაც და დღეს წყალი ოთხ სოფელს მიეწოდება.

კარგად იცით, რა გადაიტანა ხალხმა და ქვეყანამ გასული საუკუნის 90-იან წლებში და ჰესის პროექტი შეჩერდა. დაიწყო ნგრევის პროცესი და არათუ ახალი ჰესი, სულიკო ცქვიტინიძის გარდაცვალების შემდეგ რას დაამსგავსეს სოფელი მშვიდობაური კარგად იცით. ვიდაცამ კი იხიერა, მაგრამ უმეტესობას გულს უკლავს ამდენი ნაგებობის განადგურება.

ახლა უკანავაში თურქებმა ააშენეს ჰესი. ეკოლოგიური გათვლები სწორად არ გაკეთდა და მეწყერმა ჰესის შენობა სანახევროდ დაანგრია. კი ადადგინეს, მაგრამ ბუნებას დიდი ზიანი მიაყენეს.

ჰესის გახსნაზე საქართველოს ენერჯეტიკის მინისტრმა თქვა, რომ ადგილობრივი მოსახლეობა დასაქმდებოდა ჰესზე, მაგრამ სოფ. მთისპირიდან სულ 9 კაცი დასაქმდა. მინისტრი გზის გაკეთებასაც დაგვიპირდა, მაგრამ მთისპირი-უკანავას გზა სავალალო მდგომარეობაშია, სულ 14 მანქანა ღორღი დაყარეს...

როცა ჰესს აშენებდნენ, იყო საუბარი ადგილობრივ მოსახლეობას შეღავათიან ფასებში მიეწოდებოდა ელექტროენერგია, (უფასოდაც რომ მოეცათ უკანავაში მცხოვრებ 35 კომლისთვის გარკვეული რაოდენობის ელექტროენერგია, რა მოხდებოდა?), მაგრამ არანაირი შეღავათი არ გვაქვს. ზარალი კი ბევრია: ჰესის მშენებლობისას გაიჩეხა და მიწასთან გასწორდა კაკლის ტყე, აღარ დარჩა პირუტყვის საბალახო ადგილი, თემურ მარკოიძის ოჯახს საკარმიდამო ნაკვეთი დაუზიანეს და ზარალი არ აუნაზღაურებიათ...

იმედია, ხელისუფლება მეტად დაინტერესდება სოფ. უკანავას მდგომარეობით.

შოთა შაჰაძე,
სოფ. უკანავას მცხოვრები.

ოზურგეთის „არწივები“ ფელსაც პირველ ლიბაში გადასვლისთვის იბრძობენ

ალიონი. როგორც იცით, ოზურგეთის „არწივებმა“ წარმატებით დაასრულეს წინა ჩემპიონატი და პლეი ოფში, დაძაბულ ბრძოლებში, არაობიექტური მსაჯობის პირობებში ვერ შეძლეს პირველი ლიგის საეზურის მოპოვება.

შემოდგომაზე რაგბიში დასავლეთ საქართველოს ახალი ჩემპიონატი დაიწყო. წელს გათამაშებაში სიახლეა და პირველ ლიგაში გადასასვლელად პლეი ოფში პირველ-მეორე ადგილებზე გასული გუნდები მიიღებენ მონაწილეობას.

ოზურგეთის „არწივებმა“ (მთავარი მწვრთნელი მინდია ლლონტი)

განახლებული შემადგენლობით კარგად დაიწყეს ჩემპიონატი. მათ 6 ტურში 5 შეხვედრა მოიგეს, მხოლოდ ერთი დათმეს ახლადშექმნილ გუნდთან ქუთაისის უნივერსიტეტთან, რომელიც ვერ პირველ ლიგაში გადასასვლელად, ხოლო შემდეგ უძაღლეს ლიგას უმიზნებს, და 22 ქულით გათამაშების ცხრილში მეორე საფეხურს იკავებს.

„არწივებმა“ გასვლით შეხვედრებში დაამარცხეს „ჭიათურა“, ქედის „ფრალეები“, საჩხერის „ჯრუჭი“, შინ - სენაკის „ბრმა“ და ასევე შინ, ბოლოსწინა ტურში უშუალო კონკურენტს, წყალტუბოს ძლიერ

გუნდს სძლიეს 27:23. ბოლო ტურში „არწივები“ ჭიათურის „მათეს“ შეხვდებიან. შემდეგ კი გაზაფხულზე განახლდება ჩემპიონატი.

როგორც გავიგეთ, ქ. ოზურგეთის მუნიციპალიტეტის 2015 წლის ბიუჯეტში „არწივების“ რაგბისტებისთვის ხელფასის დაფინანსებას აპირებენ, რაც ხელს შეუწყობს გუნდის სტაბილურობას და წარმატებებს.

ურიგოდ არ ასპარეზობენ „ბ“ ლიგაში მოასპარეზე „არწივები“. ახალგაზრდებმა 20-მდე შეხვედრა

გამართეს, მათგან ნახევარი მოიგეს და დასავლეთ საქართველოს ჩემპიონატში (აქ 50-მდე გუნდი ასპარეზობს) და პირველ ათეულში იმყოფებიან (მწვრთნელი გოჩა კალანდაძე).

რაც შეეხება საფესტივალო გუნდს (მწვრთნელები შუქრი რუსიშვილი, ზვიან თოლორდავა), ქ. ქუთაისის 2001-2002 წლებში დაბადებული შორის 2 შეხვედრა გამართეს და ორთავე მოიგეს.

საფესტივალო გუნდში ამჟამად 2007-2008 წლებში დაბადებულითა მიღება მიმდინარეობს

„მერცხალი“ სელვარაურშიც დაპარცხდა

„მერცხალის“ წარუმატებელი მატჩების სერია კვლავ გრძელდება, მიუხედავად ახალი სამწვრთნელო შტაბის მონღოებისა, შედეგი ცუდია.

მე-13 ტურში „მერცხალი“ ხელვაჩაურში „მაჭახელას“ შეხვდა და 2:4 დამარცხდა.

ოზურგეთელები (2 მოგება, 3 ფრე, 8 წაგება) 9 ქულით ბოლო მე-18 ადგილზე იმყოფება.

ეკოლოგიური რისკები და მოსავალი სუბტროპიკულ ზონაში

უკანასკნელი 20-25 წლის მანძილზე დასავლეთ საქართველოს სუბტროპიკულ ზონაში არ აღნიშნულა დიდთოვლიანობა და კატასტროფული ყინვები, თუმცა, გლობალური დათბობის ფონზე, რბილი ზამთრის, ცივი გაზაფხულისა და ცხელი გვალიანი ზაფხულის პირობებში მოსავლიანობა ყოველწლიურად მცირდება.



უკანასკნელი 20-25 წლის მანძილზე დასავლეთ საქართველოს სუბტროპიკულ ზონაში არ აღნიშნულა დიდთოვლიანობა და კატასტროფული ყინვები, თუმცა, გლობალური დათბობის ფონზე, რბილი ზამთრის, ცივი გაზაფხულისა და ცხელი გვალიანი ზაფხულის პირობებში მოსავლიანობა ყოველწლიურად მცირდება.

სუბტროპიკულ კულტურათა ინტენსიური ტექნოლოგიების დამუშავებისა და ათვისების პროცესში მაქსიმალური მოსავალი მოსალოდნელია მხოლოდ მაშინ, თუ კულტურის აგროტექნიკა და ჯიშობრივი შემადგენლობა ყოველი კონკრეტული მიკროეკოლოგიური ზონისათვის კორექტირებულია ბუნებრივი პირობების შესაბამისად.

საბაზრო-ეკონომიკის პირობებში სასოფლო-სამეურნეო კულტურათა დაპროგრამებული მოსავლის მისაღებად ფერმერულ და გლეხურ მეურნეობებში აუცილებელია განხორციელდეს ურთიერთდაკავშირებული აგროტექნიკური, მელიორაციული და სამეურნეო ღონისძიებები, რომლებიც უზრუნველყოფენ ნიადაგურ-კლიმატური პოტენციალის, ჯიშის ეკოლოგიურ-გენეტიკური შესაძლებლობების, შრომითი და მატერიალური რესურსების რაციონალურ გამოყენებას.

ფერმერებმა კარგად უნდა იცოდნენ, რომ სუბტროპიკული კულტურების ზრდა-განვითარება და სტაბილური მოსავლიანობა კანონზომიერ კავშირში იმყოფება ისეთ მნიშვნელოვან მეტეოროლოგიურ ფაქტორებთან, როგორცა: ზამთრის კრიტიკული ტემპერატურები, ჰაერის შეფარდებითი ტენიანობა, აქტიურ ტემპერატურათა ჯამი, ნალექების წლიური რაოდენობა და მათი განაწილების კანონზომიერება, საგაზაფხულო წყინვების პერიოდულობა, ნიადაგის თბური რეჟიმი, გვალები, ცივი და ცხელი ქარების ზემოქმედების ხასიათი და სხვა.

სუბტროპიკული მემცენარეობის დარგში მრავალწლიანი სამეცნიერო და საწარმოო ხასიათის გამოკვლევების საფუძველზე დადგენილია, რომ მოსავლიანობის სტაბილურობის მიხედვით საქართველოს სუბტროპიკებში ჩაის კულტურას ალტერნატივა არ გააჩნია. ჩაის კულტურის მოსავლიანობის სტაბილურობა ძირითადად მცენარის ბიოლოგიური თა-

ვისებურებითა და ნედლეულის მოხმარების ხასიათით უნდა აიხსნას. ძირითადი მოსავალი ჩაის ნედლი ყლორტები და ნაზი ღუყვებია, რომლებიც ნაკლებად განიცდიან არახელსაყრელი კლიმატური ფაქტორების ზემოქმედებას. რაც შეეხება სუბტროპიკულ ხეხილოვან კულტურებს, აქ მოსავლიანობის განმსაზღვრელი მარკინგული ნაყოფია, ხოლო ნაყოფის ფორმირება პირდაპირ კორელაციურ კავშირშია მცენარის გენეტიკური ციკლის (ბუტონიზაცია, ყვავილობა, გამონასკვნა) წარმართვისათვის აუცილებელი მეტეოროლოგიური ფაქტორების ოპტიმიზაციასთან.

ჩვენი მრავალწლიანი დაკვირვებების საფუძველზე დადასტურებულია, რომ მკაცრი თოვლიანი ზამთრის შემდეგ, როდესაც მცენარეთა ვეგეტაცია ივლიანებს და იგი აპრილის მეორე დეკადიდან იწყება, საგაზაფხულო წყინვებისაგან მიყენებული ზარალი უმნიშვნელოა, ხოლო რბილი ზამთრისა და ნაადრევი ვეგეტაციის პირობებში, როდესაც თებერვლის მესამე დეკადაში, მარტისა და აპრილის თვეში ფაქტიურად მცენარეები ვეგეტაციისა და გენერაციის აქტიურ ფაზაში არიან შესული, საგაზაფხულო წყინვებისაგან მიყენებული ზარალი დიდია (მაგ. 2004, 2007, 2008, 2009, 2011, 2013, 2014, 2015 წლები). ყოფილა შემთხვევები, როდესაც საგაზაფხულო წყინვებს მათის პირველ დეკადაშიც გადაუნაცვლებია, რასაც ჩაის ახალგაზრდა ღუყვები, ვაზისა და ხეხილივანთა ნაზი ყლორტები და საყვავილე ბუტონები გაუნადგურებია. როგორც ცნობილია საქართველოს სუბტროპიკულ ზონაში ყველაზე სამიმ მოვლენას ჩრდილოეთ კავკასიიდან შემოჭრილი ცივი ჰაერის მასების ხანგრძლივი მოქმედება წარმოადგენს (1949, 1969, 1985), თუმცა, უკანასკნელი 20 წლის მანძილზე ასეთი ხანგრძლივი ცივი მასების შემოჭრა არ აღრიცხულა, თუ არ ჩავთვლით 2008 წლის 16-17 იანვარს, როდესაც ჩრდილო-დასავლეთიდან შემოიჭრა ხანმოკლე ცივი მასები, რომელმაც ლოკალურად მხოლოდ კოლხეთის დაბლობის ზღვისპირა რაიონში გამოიწვია დიდთოვლიანობა და ანომალური მოვლენაც კი — გაიყინა პალასტომის ტბა, თუმცა ცივი მასების ზემოქმედება არ გასცილებია ფოთი-ყუღევის

საზღვრებს. დანარჩენ რეგიონებში სუბტროპიკულ კულტურათა გაყინვა-დაზიანებას ადგილი არ ჰქონია.

ნალექიანი გამოდგა. 3-5 დეკემბერს სუბტროპიკულ ზონაში თოვლი მოვიდა, ტემპერატურა -3-5გრადუს C-მდე დაეცა, რამაც დიდი ზარალი მიაყენა ჯერ კიდევ დაუკრეფავ ციტრუსების ნაყოფებს. ნაყოფთან ერთად დაზიანდა მცენარის ახალგაზრდა ყლორტები და ფოთლები. დეკემბრის მეორე ნახევრიდან იანვრის ბოლომდე ამინდები შედარებით რბილი, თოვისა და ყინვის გარეშე აღირიცხა. განსაკუთრებით დათბა 2014 წლის თებერვალში, რამაც გამოიწვია კურკოვანი და თესლოვანი კულტურების ვეგეტაციის პროვოცირება. მარტის თვის პირველი და მესამე დეკადა სუსხიანი და ნალექიანი იყო, მესამე დეკადის დასასრულს 29-30 მარტს სუბტროპიკულ ზონაში (აჭარა, გურია, სამეგრელო) თოვლი მოვიდა (10-30 სმ). ტემპერატურა -2-4 გრადუს C-მდე დაეცა. თოვლმა და დაბალმა ტემპერატურამ დააზიანა მოყვავილე მცენარეები, განსაკუთრებით დაზიანდა აქტინიდიის (ცივი) და თხილის ახალგაზრდა სანაყოფე ყლორტები.

გლობალური დათბობის ერთ-ერთ უარყოფით ფაქტორად უნდა ჩაითვალოს 2014 წლის 4-5 ივნისს დასავლეთ საქართველოში განვითარებული ძლიერი ცხელი ქარიშხალი. სტიქიის ზონად გურიის რეგიონი გამოცხადდა. სტიქიამ დააზიანა ნაგებობები, დაამსხვრია ხე-მცენარეები, იყო მსხვერპლი. ძლიერმა ქარიშხალმა ჩამოყარა თხილის, ხეხილოვნებისა და კურკოვნების უმწიფარი ნაყოფები, დაამტვრია აქტინიდიის, ვაზის ყლორტები, გაანადგურა ბოსტნეული. ამავე წლის ივნისის მეორე ნახევრიდან, ივლისისა და აგვისტოს პირველი ნახევარი სუბტროპიკული ზონისთვის უჩვეულო მაღალი ტემპერატურებითა და ტენის დეფიციტით აღინიშნა. ტემპერატურამ პიკს 11-12 ივლისს მიაღწია, როდესაც თერმომეტრი ჩრდილში 42-43გრადუს C, ხოლო მზეზე 53-54 გრადუს C უჩვენებდა. მაღალმა ტემპერატურამ და მზის პირდაპირმა სხივებმა დაწვა მცენარეთა ფოთლები, ნაყოფები. მაღალ ტემპერატურას თან დაერთო ნიადაგში ტენის დეფიციტი. განსაკუთრებით ფერდობ ადგილებზე გაშენებულ სუბტროპიკულ ხეხილოვან კულტურებში (ციტრუსები, აქტინიდი, თხილი, ფიჭო და სხვა) ნიადაგში ტენის დეფიციტის გამო აღინიშნა ნაყოფების მასიური ცვენა, ფოთლებისა და ახალგაზრდა ყლორტების ჭკნობა. ადგილი ჰქონდა ახალგაზრდა ნარგავობაში მცენარეთა მთლიან ხმობას. ნოემბრის მესამე დეკადაში უხვნალექიანობასთან ერთად, ზოგიერთ ადგილებში (აჭარა, გურია) აღინიშნა სეტყვა, რამაც დააზიანა ციტრუსოვანთა ნაყოფები, თუმცა სადაზღვეო კომპანიებმა ნაწილობრივ კომპენსირება გაუკეთეს დაზარალებულ ფერმერებს.

ამერიკული ოკეანოლოგიური კვლევების ინსტიტუტის მონაცემებით 2015 წლის ივლისი ტემპერატურული დაკვირვებების ისტორიაში ყველაზე ცხელი თვე იყო. ტემპერატურა რეკორდულ მაჩვენებლებზე ავიდა როგორც ხმელეთზე ისე ოკეანეში. ივლისისა და აგვისტოში ანომალური სიცხე დაფიქსირდა ახლო აღმოსავლეთსა და ევროპაში, სიცხისაგან ასობით ადამიანი გარდაიცვალა, განადგურდა სასოფლო სამეურნეო კულტურები. ხანგრძლივმა გვალებმა ნიადაგში შექმნა ტენის მნიშვნელოვანი დეფიციტი. ივლისს, აგვისტო, სექტემბრის თვეში ნაცვლად მრავალწლიანი

საშუალო- 600-700მმ ნალექების ფაქტიურად მოვიდა 100-150 მმ, ისიც მხოლოდ ორ დღეს (6 და 23 აგვისტოს) თქემის სახით. გორაკ-ბორცვიან ადგილებში გაშენებული ერთწლიანი მარცვლოვანი (სიმინდი) და ბოსტნეული კულტურები მთლიანად განადგურდა, გაუჭირდა მრავალწლიან კულტურებს. გვალები და ცხელი ტემპერატურა დაემთხვა თხილის მოსავლის აღებას. ნაყოფმა ვერ მოასწრო სრულყოფილი მომწიფება, რის გამოც მოსავლის დიდი ნაწილი დაიკარგა. ციტრუსოვან კულტურებზე ტენის დეფიციტის გამო განვითარდა წვრილი ნაყოფები, შეიძინა ნაყოფების მასიური ცვენა.

რაც შეეხება ჩაის კულტურას, ჩამონათვალში ის ერთად-ერთია რომელიც ყველა კულტურისაგან განსხვავებით გამძლეა ეკოლოგიური რისკების მიმართ. სამწუხაროა, როდესაც ასეთი ეკოლოგიური სიტუაციების ფონზე ამ კულტურას ჯეროვანი ყურადღება არ ექცევა, არადა ეკოსისტემა კიდევ უფრო დაძაბული და მკაცრი გახდება. ეს მომენტი საყურადღებო უნდა გახდეს ამ ზონაში დასაქმებული ფერმერებისათვის, სასოფლო-სამეურნეო სავარგულების ათვისების პროცესში კულტურათა სწორი შერჩევა შეთანაწყოების მიზნით. ამასთან ფერმერულ მეურნეობებში ასეთი კლიმატური მარკინგების საპასუხოდ, ფართოდ უნდა იყენებდნენ ხელოვნურ და ბუნებრივ მულჩს, მორწყვის სხვადასხვა სახეს, ნიადაგის ზედა ფენის ფხვიერ მდგომარეობაში შენარჩუნების აგროტექნიკურ ღონისძიებებს, ქარსაფარ ზოლებს და ა.შ.

ბოლო სამი წლის კლიმატური პირობების დაწვრილებითა ანალიზმა ცხადყო, რომ საქართველოს სუბტროპიკულ ზონაში, სადაც განშირდა ეკოლოგიური რისკები, სასოფლო-სამეურნეო სავარგულების ათვისება უნდა მოხდეს მხოლოდ მეცნიერულად შეუმავებული რეკომენდაციების საფუძველზე. ნიადაგის სრულყოფილი გამოკვლევა და კულტურათა სწორი შერჩევა უნდა განხორციელდეს ამ კულტურების აგროკლიმატური რისკების მიმართ გამძლეობის გათვალისწინებით.

ყოველივე ზემოთ აღნიშნულ საკითხებზე სრულყოფილი ინფორმაციის გაცემა მხოლოდ სოფლის მეურნეობის სამინისტროს ნიადაგისა და სურსათის დიავნოსტიკის ცენტრ „ანასეულის“ (ოზურგეთი) ლაბორატორიას შეუძლია, ამავდროულად, იგი უფლებამოსილია პრაქტიკული დახმარება გაუწიოს ფერმერებს მათთვის მტკიცებულ პრობლემებზე.

ზაურ ბაბრიჩიძე,
სოფლის მეურნეობის მეცნიერებათა დოქტორი, პროფესორი;
რუსუდან ტაპიძე,
სოფლის მეურნეობის მეცნიერებათა აკადემიური დოქტორი.

სად უერთდება ზღვა ცას?!



მსატრობა ადამიანის სულის ერთგვარი გამოვლენაა. რთული, წინააღმდეგობრივი, ძიებებით აღსავსე გზა ხელოვნებაში.

შემომქმედი ადამიანი, ამ შემთხვევაში მსატრარი, არის გამორჩეული სხვაგვარად მოაზროვნე და განსხვავებული ხედვის მქონე. არიან მათ შორის განსაკუთრებულები, როგორც განსაკუთრებული ქართული მსატრარი რუსულან ფეტივაშვილი.

მისი სტილი მკვეთრად ინდივიდუალური და განსაკუთრებულია, სამყარო მისტიური და ზღაპრული. ხაზი, მონასში იმდენად ბუნებრივია, რომ ქმნის მოცულობისა და ერთიანობის საოცარ შეგრძნებას. კომპოზიციები, რთული, ხშირ შემთხვევაში მრავალფეროვანი და დატვირთულია. ძნელია მიხედვით საიდან იწყება და სად მთავრდება ხაზი. ამ მრავალწახანაგონობის მიუხედავად ისეთ ერთიანობას, სიმსუბუქეს გრძობს დათვალისთვის, რომ პირიქით - სიმშვიდისა და წესრიგის შთაბეჭდილება ვეჭმნება.

მსატრარის შთაგონების წყარო არის ბუნება და ადამიანი, როგორც ცენტრალური ფიგურა ამ სამყაროში.

აქ ცხოველები, ფრინველები, წყლის მცენარეები, თევზები და უმთავრესი ადამიანი საოცარ ერთიანობაში გვევლინებიან. ამიტომ განსაკუთრებულად სულ გაქვს შეგრძნება, რომ წყლის, ჰაერის, მიწის და სინათლის მიღობერ სამყაროში მოგზაურობს. ყველა, დიდი თუ პატარა ხაზი უდიდესი რუღუნებით და სიყვარულით არის გავლებული, თითქოს ხელიც არ შერხეულა. გასაოცარია რადგან დღეს, ზრდასრული მსატრარი, მაგრამ წლების უკან პატარა ბავშვი ერთნაირი ოსტატობით მოუყვება გრაფიკის ურთულეს გზას. ის ჭეშმარიტი დიდოსტატაა, მისი ნამუშევრები ითხოვს დაკვირვებას, ყოველი ახალი ნახვისას ახალ დეტალს, ახალ პერსონაჟს აღმოაჩენ. გაოცებს და გამოგზაურებს ფანტაზიის უკიდურეს სივრცეში, განიჭებს იმდენ, სიყვარულს, უსასრულობისა და მარადიულობის განცდას.

რუსულანი აქტიურად მუშაობს როგორც ბრწინვალე ილუსტრატორი. მას აქვს შესრულებული ვაჟა - ფშაველას ქართული ხალხური ზღაპრების, „ვეფხისტყაოსნის“ და სხვა

მრავალი წიგნის ილუსტრაციები. გამორჩეულია „ოთხთავის“ დასურათება, რომელიც მან კათოლიკოს პატრიარქის ლოცვა - კურთხევით შესასრულა წმიდა სამების ტაძრისთვის.

P.S. 2015 წლის 24 სექტემბრიდან უკვე ახალი სტატუსით არსებული „(ა)ბ მერაბ ბერძენიშვილის სახელობის ქ. ოზურგეთის მუნიციპალიტეტის თანამედროვე სახეითი ხელოვნების ცენტრი“ ანხორციელებს პროექტს „ცნობილი თანამედროვე ქართველი მსატრარები“, რომლის ფარგლებშიც ქალაქ ბათუმში 2010 წლიდან მომქმედ გალერეიდან „არტ-კაფე რუსულან ფეტივაშვილი“ მოხდა გამოფენის ტრანსპორტირება. ექსპოზიცია გაგრძელდა 10 დღე.

სწორედ ასეთი ღირებული და ნამდვილი შემოქმედების გამოფენით აგრძელებს მუშაობას და შემოქმედებით განვითარებას ოზურგეთისა და საქართველოს კულტურულ ცხოვრებაში ქ. ოზურგეთის თანამედროვე სახეითი ხელოვნების ცენტრი.

ხელოვნებათმცოდნე **ლია ურუშაძე**



ავტომობილები განვადებით



მიცეპიში აირტეკი - 2002 წ. - 1350	სუბარუ ლეგასი - 2005 წ. - 1700
პაჯერო იო - 2002 წ. - 1700	სიბარუ ოუტბაქი - 2004 წ. - 1550
ტოიოტა ვოქსი - 2004 წ. - 1250	მერსედესი ე კლასი - 2003 წ. - 3700
ტოიოტა პასსო - 2010 წ. - 1600	ბმე 525ი - 2004 წ. - 4050
ტოიოტა რაგ-4 - 2000 წ. - 3100	ფასები მითითებულია აშშ დოლარში
ნისან ტიდა - 2005 წ. - 1400	მანქანის ჩამოსვლის შემდეგ იხდით კონტინენტის თანხას
ნისან მარჩი - 2004 წ. - 1000	ტელ. 595 11 10 30; ზურა, 598 47 47 03 დათო.
ნისან ფუგა - 2005 წ. - 2100	მისამართი: ქ. ოზურგეთი, 26 მაისის ქ. №11, მმ-2
პონდა ფიტი - 2008 წ. - 1650	საჯარო სოლოის გვერდით.
პონდა ცრე - 2003 წ. - 2400	
ფონდა სივიკი - 2003 წ. - 1200	
მაზდა დემიო - 2003 წ. - 900	
მაზდა მპე - 2004 წ. - 1100	
მაზდა ტრიბუტე - 2003 წ. - 1300	
სუზუკი ქარი ტრიუკი - 1999 წ. - 1150	
სუბარუ ფორესტერ - 2002 წ. - 1350	

ბაბი მისილის სემინარი „კრავ მაგაში“



3-4 ნოემბერს თბილისში საქართველოს კრავტეს ეროვნული ფედერაციის დაარსებში ჩატარდა სემინარი „კრავ მაგაში“ გაბი მიხეილის ხელმძღვანელობით.

„კრავ მაგა“ არის ისრაელური ხელჩართული ორთაბრძოლის ხელოვნება, რომელიც შექმნილია და გამოსაყენებელია ქუჩაში, სპეცნაზში, ჯარში, პოლიციასა და დაცვაში. „კრავ მაგას“ გარემოებები და უფლება ისრაელის ჯარი და სპეცნაზი.

გაბი მიხეილი „კრავ მაგას“ მსოფლიო ფედერაციის პრეზიდენტი და ისრაელის თავდაცვისა და უსაფრთხოების აკადემიის პრეზიდენტი. გაბი მიხეილის მინიჭებული სერტიფიკატი და ლიცენზია დიდი პოპულარობით სარგებლობს მსოფლიოს ნებისმიერი ქვეყნის

ძალიან სტრუქტურებში.

ბატონი გაბი მიხეილი საქართველოში საქართველოს ეროვნული ფედერაციის პრეზიდენტის ბატონი კასა ბასილიას მოწვევით ჩამოვიდა.

სემინარზე 40 ინსტრუქტორი გამოვიდა და რეგიონიდან ჩასული მსოფლიო მე ვიყავი. სემინარი ჩავატარე ხელჩართულ ბრძოლაში (ყველაფერი დამუშავებული იყო) დანის ტექნიკა და ართმეგა, ვოზი, ხმალი და პისტოლეტი. გამოცდის ჩატარების დროს 10 კაცი მოდიოდა შეარაღებით (დანა, ხმალი, ვოზი, პისტოლეტი) ერთი წინააღმდეგ და უნდა მოგვეგერიებინა. ჩავატარე გამოცდა და მივიღე სერტიფიკატი, ლიცენზია და მწვრთნელის 0 კატეგორიის პლასტიკური ბარათი.

ლუკა ტატურაშვილი ისევ იმარჯვა

6-8 ნოემბერს ქ. თბილისში ჩატარდა მსოფლიო ჩემპიონის მიხეილ სალაძის სახელობის ტურნირი ბერძნულ-რომაულ ჭიდაობაში 1999-2001 წლებში დაბადებულთა შორის. აღნიშნულ ღონისძიებაში ქ. ოზურგეთის მუნიციპალიტეტის გაერთიანებული სპორტის განვითარების ცენტრის აღსაზრდელმა

ლუკა ტატურაშვილმა 69 კგ წონით კატეგორიაში პირველი ადგილი დაიკავა. ბოლო პერიოდში ეს უკვე ლუკას მეორე გამარჯვებაა. მას მსოფლიო თასის მფლობელი, საქართველოს დამსახურებული მწვრთნელი გურამ მაჭარაშვილი წვრთნის.

ლემსის საჭაშნიკე



მშვიდობის საკმედი

ეს კაცი 12 წლის დაპით მდინარააჰა, თხამით ტარფაიმე ოზურგეთში. კატარაობიდანვე ლემსივს ოსჯავს. უხვარს სიტყვებითან ჭიდილი და ბედნიერება, რომა გარითმულ სტრიმონებად გარანდავს მათ. მიღწევით არ კმაყოფილდება, მემარბიული, დაუცხრომელი და ციბრუბითი მოკრავი, სულ კიმაზია.

ფარს იმავი, რაც მოსწონს, რაც უხვარს - სამშობლოში, მთა-მთავარს, ღამის, მთავარს, მარსკმლაშავს... უკვე სიყვარულის ფემომეწმევი კი.

გასულ კვირას დათომ „ალიონის“ „ლემსის საჭაშნიკეში“ შემოგვიარა და მისი ნაწარმი დაგვიტოვა. შამიკლიათ, ჩემთან ერთად, დააჭაშნიკით.

ვხატავ მზეს, ვხატავ მთებს, ვხატავ ლურჯ ცას და გრძელ გზებს... არ ვასხვისებ ჩემი ქვეყნის არც ერთ გოჯს და არც ერთ მეტრს, მე მშვიდობის საკენკს ვუყრი შენსკენ მსრბოლელ ყველა მტრეს.

2015

სამართავლო

სამშობლოში მიდგეს ფესვი, სხვაგან არ დაგვიტოვებს, სხვა სხვას ჰქონდეს, ჩემი მყოფნის ძეგლი და ტაძრები, ჩემი მიწა, ჩემი სახლი, ჩემი ჩანჩქერები, ჩემი ხალხი, უძლეველი, ქველი, თანაც ბრძენი. ნაქარგია მთა და მდელი, გული ფეთქავს ჩემი, ისე მიყვარს საქართველო, როგორც დედაჩემი.

2015

ავდარი

ავდრის კომლით და ავდრის კეტებით დაეხეტება ქარი ფეთებით, სახლში შემოჭრის სულისკვეთებით სარკმელს ეხლება წვიმის წვეთები... 2014

ცა გამოსნა

კარგად მასხოსვს, ცხადად მასხოსვს, პაწა ბავშვი რომ მქვიოდა, გაერბოდი და წავექცი, დეარად ცრემლი მომიდიოდა, დამავიწყდა ყველაფერი, - მუხლი, მკლაფი ზომ მტკიოდა, - ცა გამეხსნა, საშველად რომ დედაჩემი მოდიოდა.

7 დღის ამინდის პროგნოზი

მზე, ღრუბელი +10+14	წვიმა +4+11	მზე +3+12	მზე, ღრუბელი +5+12	წვიმა +7+14	მზე, ღრუბელი +10+17	წვიმა +6+12
16 ნოემბერი ორშაბათი	17 ნოემბერი სამშაბათი	18 ნოემბერი ოთხშაბათი	19 ნოემბერი ხუთშაბათი	20 ნოემბერი - პარასკევი	21 ნოემბერი შაბათი	22 ნოემბერი კვირა